



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Reiffenstuel, Anaklet

Monachii, 1699

III. Quæ causæ excusent exercentes Opera prohibita diebus Festis?

urn:nbn:de:hbz:466:1-40206

probabilior sententia, est media, quæ laborem servilem duarum horarum plus minus requirit, & sufficere ait ad notabilem diei partem, atque peccatum mortale constituendum.

26. Re&te tamen' monet citatus Filiuci, considerandam ^{Quæ alia} simul esse qualitatem operis atque laboris, & an nulla concurrat ^{circa hoc} necessitas. Nam si labor sit levior, aut aliqua necessitas concurrat, facile etiam quis diutius laborans excusabitur à culpa mortalí: quod proinde prudentis viri judicio demetiendum erit. Hinc non facile pauperes fæminæ, vel ancillæ, peccati mortalis damnandæ sunt, quæ diebus Festivis aliquot horas insument nendo, vel vestes suas aut suarum prolum resarciendo, sive ad fugandum otium atque inutilia colloquia, sive ob paupertatem, & quia diebus feriælibus destituuntur tempore ad talia peragenda opportuno.

QUÆSTIO III.

Quæ causæ excusent exercentes Opera prohibita
diebus Festis?

27. CONCL. I. Etsi plures causæ referri soleant, quæ excusare possunt exercentes opera prohibita diebus Festis, ^{Quæ genet.} ex tamen commodè reducuntur ad necessitatem, & ^{rariam causæ} pietatem. Ita desumitur ex cap. ult. de Feriis, ubi prohibitur ^{excusent} diebus Festis opera illicita, nisi necessitas urgeat, vel pietas sua- ^{exercentes} deat. Siquidem necessitas non habet legem, o. *Quod non est.* ^{opera pro-} de Reg. Juris, ibi: *Quod non est licitum in lege, necessitas facit licitum.* Pietas etiam excusat exercentes erga pauperes, vel miserabiles personas, opera Misericordiæ; vel præstantes ea, quæ ad Divi- ^{hibita?} num cultum pertinent: *nam summam esse rationem, que pro Religio-* ne facit, textus est l. *Sunt persone. ff. de Religiosis & sumpt. funer.* Hinc versus illi:

*Non Re&to servat legalia Sabbathæ cultu,
Qui pietatis opus credit in his vetitum.*

28. CONCL. II. Tunc censetur adesse necessitas exercen- ^{Necessitas} di opera cæteroquin die Festo prohibita, quando imminet no- ^{quando sic} tabile damnum animi, aut corporis, sive proprij, sive alieni, aut ^{excusat?} bonorum temporalium sive priorum, sive alienorum. Ita Reginaldus lib. 19. uum. 50. Navarrus, aliisque; quamvis, utrum hic & nunc ejusmodi notabile damnum sit metuendum,

Pru-

prudentis viri arbitrio dijudicandum sit. Res exemplis fieri clarior.

*Corollarium
circa bonum
vitæ.*

(b) *Vt dicitur
in Tract.*

2. dist. 2.

n. 25. & seq.

*Aliud circa
bona for-*

tunæ.

Sartores.

*quando ex-
cusalentur
perficiens
die festo
vestes?*

*Quid de
præparatio-
ne panni?*

*Alia corol-
laria.*

*Molere die
Festo, an
liceat?*

29. Sic in primis laborantes die Festo excusat necessitas imminens propriæ conservationis, vel sustentationis suæ vitæ, aut familie: quia lex Ecclesiastica non obligat cum tanto gravamine Fidelium. (b) Hac ratione excusantur pauperes, qui nisi die Festo laborent, nequeunt se sustentare, & huic modi.

30. Deinde necessitas, seu imminens notabile damnum in Aliud circa bonis fortunæ excusat coquentes calcem, aut vitrum die Festo: quia hoc genus operis inchoatum non potest intermitte absque notabili domno. Similiter excusantur agricultæ tempore missis laborantes, ne segetes amittant ob pluviam: in quo tamen casu, ad cavendum scandalum, consultus est, adhibere consilium Parochi, ac petere dispensationem vel licentiam.

31. Ob eandem rationem excusantur in multis casibus sartores, perficientes vestes die Festo: utputa si illæ debeat inseruire pro ejusmodi Festo; vel si sint vestes sponsi seu sponsarum, proximè nuptias celebrantium; aut vestes lugubres, vel eorum, qui ijs indigent ad servandam decentiam statutis. Idem censet Basilius *ad Festum III. n. 1.* si sartores timeant aliquid notabile incommodum, vel acerbas reprehensiones, ac injurias ex eo, quod non perfecerint vestes ante Festum. Præparatio autem vestium, quæ fit per scissuram & præparationem panni die Festivo, ex eo excusari potest, quia non est labor servilis: cum propriè competit Magistris, nec habeat adjunctum magnum laborem.

32. Huc accedit necessitas Reipublicæ, utpote cui magis subveniendum est, quam privatæ. Sic excusantur milites jacientes aggeres die Festo, vel alia servilia opera peragentes pro defensione patriæ. Item necessitas Proximi, nam ob hanc licitudinem est die Festivo laborare ad extinguendum incendium in domo Proximi, & Chirurgo ad sublevandum infirmum, & huic modi.

33. Quæres, an liceat die Festo molere triticum, quando molendinum agitatur aquâ, vel vento? Respondet Basilius *loc. cit.* affirmativè, atque pro hac sententia allegat Bonacinam, Rodriguez, & alios: quia (inquit) tunc aut nullus, aut exiguis labor intervenit. Verum seclusâ necessitate, aut speciali aliqui loci consuetudine, hoc passim admittendum non est: idque cum ratione scandalis vitandi, cum quia in molendinis non modicus

Quæst. IV. Quæ sit obligatio audiendi Missam diebus Festis ? 639

dicus simul labor servilis intervenit. Unde Bonacina *tom. 2. disp. 5. quæst. un. punt. 3. num. 9.* ait, si tales molitores notabilem temporis partem in his insūmant, eos non excusari; nisi id faciant ex necessitate, v. g. ob multitudinem concurrentium ad molen-dinum, quibus satisfacere nequeunt diebus feriatis.

34. In super causis, excusantibus exercentes opera prohibita die Festo, communiter addunt Doctores occursum lucri trans-euntis: id est, illius, quod amplius acquiri non poterit, nisi diebus Festi talia opera fiant. Et hoc probatur ex Jure Canonico, cap. *Licet. de Ferijs*, ubi Ecclesia, tanquam pia Mater, ex hac ratione diebus Festi (præterquām in majoribus anni Solemnitatibus) indulget pīcationem halēcum, quæ certo duntaxat anni tempore transire solent. Unde ob paritatem rationis idem de pīcatione aliorum pīcium, certo tantūm anni tempore ocurrentium, & de alijs hujusmodi rebus temporalibus, quæ cum tempore pereunt, nisi Festis diebus acquirantur, passim tradunt Doctores.

35. Tandem similia opera diebus Festi præstari solita ex-
culsat legitima consuetudo, sive generalis, sive specialis quorundam locorum, quæ scitur, & toleratur à Prælatis Ecclesiasticis. Ratio est: quia prohibitio talium operum die Festo fuit introduc-ta solo Jure Ecclesiastico; ergo nihil obstat, eam tolli rationabili & legitimè præscriptā consuetudine contrariā: cùm generali-ter hujusmodi consuetudo deroget Juri positivo humano, *cap. ult. de Consuetud.* Sic in pluribus locis Doctores consueverunt pinse-re panem, & Cerevisiarij incipere praxaturam cerevisiæ à vespe-ris diei Festi. Mercatores etiam in Nundinis solent per aliquam diei partem exercere publicum mercatum.

Q U Æ S T I O N E IV.

Quæ sit obligatio audiendi Missam diebus Festis ?

36. **C**ONCL. I. Extat grave Præceptum Ecclesiasticum, re-verenter audiendi Missam diebus Dominicis, Festi-que. Patet hoc ex can. *Missas. de consec. diff. 1.* Et licet ibidem soli Sæculares nominentur, tamen ex communi consuetudine, quæ est optima legum interpres, sub dicto Præcepto etiam diebus Festi, comprehenduntur Clerici, & Sacerdotes non celebrantes: quamvis hi, si dictis diebus celebrent, hoc ipso & quidem eminenter, Missam audire censeantur. Id ipsum liquet ex can. *Omnes fideles. de consec. diff. 1.*

M m m m

37. CON-